



## Rapport da gestiun 2016

Charas commembras, chars commembers

Quist es meis prüm rapport sco president da la Fliana. Pür l'ultim mumaint n'ha tut per mans da scriver tal. D'üna vart n'ha gnü da preparar numerusas otras chosas e da lotra vart stögl adüna am tour insembel las forzas per scriver. Pero daplü ch'eu m'occup cun scriver e plü facil chi'm va ourd'man. I'm es consciaint, cha per üna società esa da grond' importanza, d'infuormar a commembras e commembers sur dal andamaint da l'on da gestiun in möd concentrà, ma eir da pudair leger davo plü tard, che chi'd eiran stats ils puncts culminants d'ürant quel on.

Ils affars ordinaris ha la suprastanza reglà in tschinch sezzüdas. Sper las tractandas statutarias s'ha ella occupada impustüt cun dumandas da finanzas, las qualas vain pudü reglar sufficiaintamaing. Quai es stat pussibel, be grazcha a la buna lavur, ourd'vart difficila, da nos giurist, Thomas Nievergelt, Samedan. La revisiun dals tschantamaints, fatta l'on 2014 s'ha verificada plainamaing. Las incumbenzas da la suprastanza sun regladas cleramaing. Da discutir ha dat unic la funcziun dal cussagl. Il prüm vulain ramassar experienzhas avant sco far alch müdamaints in tal regard. Il nouv commember in suprastanza as ha integrà fich bain. Il clima in nos gremi es constructiv ed amiaivel. I'm fa plaschair da manar üna tala suprastanza.

Dals 25 october fin als 13 december 2016 han gnü lö, adüna il mardi, ot cuors a Lavin e Guarda. Quai sun: Lavurs da man da tuot gener, manadra Mengia Bonifazi, Lavin, pitturar cun culuors d'aquarell, manadra Cilgia Nogler, Bever, calligrafia, differentas scritüras ed ornamaints cun üna penna speciala, manadra Christa Pinggera, Zernez, modellar cun differenta ardschiglia, manadra Anna Madlaina Jordan Monteiro, Guarda – giovar teater, manadra Ottilia Cavelt, Ftan, Qigong, manadra Waltraud Hitzberger, Ftan, sculpturas cun lain da l'aua, manader Alexander Curtius, Scuol, ed ün cuors fundamental da laptop, tablet e smartphone, manader Duri Denoth, Sent. Tuot ils cuors sun stats fich bain frequentadas e nus pudain verrer inavo sün ün on da fich grond success. Sco üsità ha gnü lö eir mincha mardi avantmezdi ün referat culs seguaints temas: Gewaltfreie Kommunikation – wie kann ich mein Leben und das Leben anderer bereichern, da Waltraud Hitzberger, Ftan, Krampfäden, da dr. med Jürg Pfister, Samedan, Kloster Müstair: Kunst und Kultur im UNESCO-Welterbe, da dr. Phil. Jürg Goll, Müstair, Mia Engiadina, da Jon Erni, Thalwil, Glück trotz allem, da Simone Schwab, Kerzers, co cha'ls utschels survivan l'inviern, da Natalia Signorell, Cuaira, die Welt ist mehr als wir verstehen, Buddhistische Lieberlieder, christliche Provokation und psychotherapeutische Geschichten aus dem Unterengadin, cun Arno Arquint, Cuaira, e sco finischiun ha Göri Klainguti preschantà disegns schmuantats ed istorgettas. Eir ils referats deiran bain frequentats ed han chaschunà bunas e constructivas discussiuns. Ils nomer da participantas e participants als cuors s'ha amuntà a 76 personas, quai chi significha ün augmoint da 7 % in confrunt cun l'on avant. Il comitè d'organisaziun, nempe Annapatrizia Richert, Bos-cha, Ottilia Christoffel, Silvapiana, Mathilda Pernisch e Annastasia Parli, S-chanf ed Annina Erni, Scuol, ha fat üna gronda e buna lavur. Ad ellas pertocca ün ingrazchamaint special. Eir a Cilgia Etter, San Niclà, chi pissera pel bun jantar ed a tuot las agüdantas, saja quai per dar oura caffè, per servir la schoppa e per lavur in chadafö ed oter plü, ün sincer ingrazchamaint. Sün las publicaziuns dals cuors dals paur sun entradas pacas annunzchas. Manar tras as ha pudü ün cuors da scholar ed ün cuors da cuschar. In avegnir voul la suprastanza far ponderaziuns per amegldrar la situaziun. Eir a Reto Lamprecht ün grazcha fichun per seis ingaschamaint.

Grazcha a la renovaziun da la Chasa Fliana ed al instancabel ingaschamaint da nossa pedella Anna Margaritta Filli, Lavin, ans esa reuschi, da mantegner las entradas plü o main sül nivel dals buns ons, avant la recessiun. Grazcha fich. Sainza adattar il fabricat al temp dad hoz, avessan probabel stuvü far quint cun perditas.

La situaziun finanziala as ha stabilisada. Ils motivs principals sun la contribuziun dal Chantun Grischun da CHF 3'000.-, l'augment dal numer da commembras e commembers da 14 %, sün 193, la buna partecipaziun als cuors sco eir la bainvuglientscha da diversas personas ed instituziuns chi han fat donaziuns generusas. Quai sun: Jakob Pinggera, Zernez, CHF 50.-, Nesa Engler, Tarasp, CHF 20.-, Otto ed Anna Maria Huber, Scuol, CHF 50.-, Lina Mengelt, Bever, CHF 30.-, Anton Hatecke, Scuol, CHF 50.-, Men Bischoff, Clinica Alpina, Scuol CHF 600.- (dat cuors gratuitamaing), Jrma Egler, Lavin, CHF 100.-, Corporaziun evangelica, Zernez, (collecta) CHF 421.- ed il cumün da Zernez, CHF 1'390.- (notà cronologicamaing). Grazcha fich a tuottas e tuots.

Grazcha eir a las commembras ed als commembers dal cussagl pel sustegn, ad Armon Bezzola, Zernez, e Fadri Häfner, Guarda, per la lavur sco revisurs da quint, a la pedella da la chasa da scoula, Anna Bonifazi, Lavin, a las numerusas personas chi tachan oura ils placats da nossas occurenzas in ils singuls cumüns, a la pressa per las publicaziuns sur da las activitats da nossa società sco eir a tuottas otras personas, chi sustegnan in qualsia möd la Fliana.

Per finir ingrazch'a la suprastanza pel grond ingaschamaint. Quai sun, Annapatrizia Richert, Bos-cha, Annastasia Parli, S-chanf, Sep Barbüda, Guarda e Gion Peider Mischol, Zernez.

Charas commembras, chars commembers, eu am chat privilegià, da das-chair star avant ad üna società chi'd es fingià daspö 60 ons ourdvard activa. Ella ha üna grond'importanza per nossa regiun. Eu s'ingrazch amo üna jada per la fiduzcha. La Fliana es üna perla.

Scuol, favrer 2017

Il president: *Jachen Erni*